



健修堂詩集卷七

保陽謁楊忠愍公祠敬賦二首

獄中一笑卻蚘蛇香滿郎官頸上枷東市朝衣飛碧血北庭
冤魄喚青霞君恩未報忠何補臣節能明死亦嘉擬仿鄂王
祠下例跪階寒鐵鑄奸邪

滄海橫流擲此身翩然披髮上星辰妻能代死空懷疏友爲
存孤肯締姻救國鄒林終殛賊黨奸鄂趙本非人鈐山堂毀
生荆杞終古椒山廟貌新

長歌行贈潘彤侯

健修堂詩集

卷七

吳門潘郎我故交冷落一官同繫匏江湖別後斷書問愛而
不見心煩切炎風吹衣整歸駕叩君衙齋天已夜冰廳闕寂
人不逢惆悵驅車徑東下燕臺縱覽歸去來見君披豁心顏
開紅燈搖窗月照席茫茫話舊悲睽乖君髻漸蒼我面瘵破
視難耕米難索歲月空驚似水流世味深嘗比紗薄去華策
好不見收蝮志紛紛占上頭穿錐將軍官特進下僚往往沈
英俊三尺侏儒飽自矜一寒范叔貧誰問趙壹囊空謾嫉邪
韓非舌敝存孤憤磊塊難平壯士胸風雲不救男兒困把君
手爲君歌借君雄劍狂摩挲君不見信陵君七國之際稱人
豪卻秦存趙功何高中年潦倒不自聊日近婦女傾醇醪又



任邱邊浴禮袖石



不見巖子陵羊裘一領風蕭蕭飄然垂釣空山坳遠尋梅福
呼牛牢恥受白水真人招丈夫身世貴任達焉用抑鬱居蓬
蒿巖城月黑風威塵苦寒中人如利刀深林鷓且噤不號雪
花手大空中拋君爲我解赤霜袍我爲君脫英瓊瑤蔗漿紅
滴真珠槽我斲其臙君哺糟醉中吹裂紫玉簫虹霓百尺竿
頭纜赤腳去釣東海鼇吁嗟如此庶解嘲安能局促短轅下
摧眉折腰向爾曹

題豸華堂圖冊

明嘉靖中仁和金公應奎官吏部主事時分宜枋國
義不往謁坐是浮沈不遷分宜敗以御史出爲山東

健修堂詩集

卷七

二

按察司僉事治河有功改官四川太監馮保私人某
爲橫州里公械而杖之巡按希保情劾公剛愎罷歸
築堂西湖之湄顏曰豸華徜徉以終老焉歲久堂圯
亞伯廉訪爲公九世孫爲之修葺並新公墓道繪圖

撰記徵詩

有明中葉政不綱梟臣竊枋壞天常鈐山堂深若偃月百僚
七貴同趨蹌朝端擊佞人幾輩往往羅織遭中傷暴尸已見
沈純甫碎首復聞楊仲芳對峯僉事起浙右烈性不撓同桂
薑權門裹足誓弗入十年郎署潛馮唐冰山崇朝倏消饑嗟
公卓識誠難量黃流崩摧怒波溢寧菱湛玉成隄防積勞泮

秩書上考鋒車遠菴巴渝鄉是時神廟委裘坐中宮秉筆由
貂璫私人四出燄尤熾訓狐假勢羣跳跟公聞其風髮竿植
訟庭械鞠如驅羊爾曹可識金僉事生平膽勁心尤方曾聞
天關拒虎豹詎肯當道容豺狼挺箠交下示威重么麼氣燄
爲摧藏豈知輦帶由此褫兩字文致登阜囊公銜朝命解組
去翛然琴鶴攜歸裝明聖湖邊築茆屋豸華字署堂中央籌
花門酒自怡悅披蘿蔭薛聊相羊黨奸恥效錦衣陸媚奄不
學江陵張清風洒然閱年所雲祢譜牒多散亡德門接武起
賢裔葩若威鳳鳴朝陽荒阡重表樹楸檟故宅式廓扶棧宋
縑細圖成肖傑構健筆挽回三百霜恍然見公蕙揚下芒寒

健修堂詩集

卷七

三

色正須眉蒼好回宦寺穢青史公名奕葉流馨香他時浙水
拜祠墓溪芼盥薦容升堂

又題三十六陂春水圖

圖爲明嘉隆中仁和金公賢官高郵知州修復水利
作裔孫亞伯廉訪重繪屬題

春風駘宕搖菰蒲翠波一幘千頃鋪曉煙涵空淡模餽眠沙
啜喋聞鷗鳧綠楊夾隄數百株柔條踈地誰櫛梳緋桃含笑
吐絳跗落英浮水紅瓊瑜環村繡壤皆膏腴插秧人來木馬
驅黃雲壓擔收新稔楸頭艇子漁人居衣食仰給惟晉氓扣
舷划槳權有餘仙源風景正不殊何人移置甍社湖仁和金

公抱良謨朱轡早蓋官甫除心知秦郵地勢汗陂塘卅六眾
壑瀆崇城百雉形覆孟滔天巨浸相灌輸長蛟毒鱷雄牙鬣
吹沙噴沫爭吞屠閭閻沈竈憂其魚公貌暇豫心難虞屬薪
貫竹精爬梳釀其芾鬱填其淤千年墊隘一旦紉魚鄉雁澤
咸昭蘇利埒谷口池陽區我聞勝國嘉隆初漕河崩潰無歲
無莫績首推潘與朱公時隻手同匡扶惜哉循聲史不書畫
工妙筆能生枯開函浩淼光奪矚鏡瀾彩晃驪龍珠疑汎邵
域樊梁區古來水利誇三吳瀉盈導滯籌歸墟澹灾捍患安
田廬所貴當事躬勤劬不然奏効多齟齬枉費芟穉勞烝徒
鄴令蜀守遠莫呼如公惠澤今有諸披圖三復心躊躇

健修堂詩集

卷七

四

答陸費芝卿

酬君結交篇歌我相逢行繁星垂芒夜如漆空堂激烈號商
聲我歌且謠意慷慨唾壺口缺珊瑚碎拄腹撐腸千萬言吐
向詩中成磊塊一生不合耽雕蟲鑄劊造化愁天工上書伏
闕慕賈誼草元閉閣嗤揚雄人世推排亦何有狂來仗劍中
原走結客天涯盡古歡五嶽低昂一杯酒憶昔天雄初識君
少年豪氣凌秋雲晚香堂畔縱談讌愛我讀書窮典墳君抱
儒風貞素履鳴珂不唱安公子芸香三代繼清風孔壁遺經
馬遷史魏臺雨別思蒼茫髣髴筒載惠瓊瑤章炎風伏雨暫把
袂飛夢迢迢還故鄉涼秋燕都重獻賦蟾窟高寒隔煙霧黃

金梯滑喜先登罽駕神駒先窘步壯懷自許殊崢嶸眼前得
失誰能爭幾成東魯柳三黜謾詡南陽許五經差喜元方同
命中鹿鳴宴罷還家弄慈母尸饗瘁米鹽驗軀別路愁飢凍
黃雲壓空雪片粗停鞭訪舊來焚興梅花官閣榻重下如山
畫燭圍紅鑪仙臺草枯易水涸懷古登樓莽蕭索氣酣酌酒
大忠祠碧血千年照寥廓

楊忠愍公祠明隆慶
中建予敬往拜謁

長揖當階偃

不恭龍門百尺高龍嵒暫攜短劍客蓮幕不用小山思桂叢

乃公勲庸今召虎羣從龍文競軒舉寒宵抵足話生平鈴索
沈沈斷衙鼓贈我歌詞值百朋巨鼇抃首情難勝驪珠摘領

射秋月鸞章綉彩搖華星雲泥締靚良非易況復綈袍交莫

健修堂詩集

卷七

五

逆擊筑當筵罄百觚醉舞爲君拓金戟歲華逝矣如飛煙祝
君高步青雲巔蓬萊有路快馳騁勿讓前賢傳瓌頌

再贈芝卿

早知儒術不謀身況復狂奴懶是真歧路關河勞跋涉殘年
風雪憶交親分無龍劍酬知己愧把豬肝累故人預約相偕
遊五嶽越章殺鬼佩黃神

高陽旅夜

暫貰村醪擁敝裘三椽茅屋小于舟朔風力壓墟煙縮晴雪
光搖驛樹浮浩蕩生涯傭馬磨飄零虛譽笑龍頭苦寒裂枕
燈如漆可惜無人說舊遊

謁明孫文正公祠敬賦

榆關頻歲失邊防，盡瘁誰憐漢武鄉。
萬里長城天所壞，全家毅魄死猶香。
出師有表存家集，遣祭無人閉影堂。
莫問墓門蛇鳥陣，春風宰樹鬱蒼涼。

石溝舟夜

澤國寒清峭，扁舟夜杳冥。
雁聲低墮水，魚氣暗搖星。
纖月窺林白，深鐙向客青。
榜人相偶語，明發待揚舲。

卽事

春融風漸軟，雪浪息崩騰。
暝色來千樹，斜陽在一層。
村煙穿櫓過，人語隔橋膺。
髣髴芳洲外，清歌唱采菱。

健修堂詩集

卷七

六

偕芝卿遊永甯寺二首

郭外招提境，清寥結夏宜。
古藤高出屋，叢竹曲編籬。
苔翠垣衣剝，欄朱井甃支。
幽尋來較晚，已過牡丹時。

穹碑文字古，鐫刻幾經年。
客到懶參佛，僧愚不解禪。
試茶烹活水，種菜足閒田。
坐愛遙山好，峯峯出暝煙。

方鐵珊

廷珣

參軍出其太翁蘭士先生所畫西湖圖索

題爲賦長句

我朝畫家誰最工，國初三王相繼作。
模山範水趣各殊，菘苑流傳費評泊。
偏師獨出吳墨井，逸材別具查梅壑。
惟有雲林畫法傳者希，二百年來何寂寞。
穉菴居士今倪迂，霜毫迅掃

能生枯前身疑住清閨閣探取神韻遺皮膚往年琴畫樓中
識名字庸峭清詩見幽致竭來獲展西湖圖開卷光芒射雙
背北山直接南屏高煙光滅沒浮六橋兩堤橫亘虹霓腰老
葑席卷風蕭蕭漁舟一葉渺然去惟見水天相動搖晴螺半
髻誰所補黃鶴樵人筆蹤古圖有王菜
畦補綴處蒼茫咫尺萬里間想
見良工用心苦髯參軍傳家寶繪爲世珍邴前復有殺粉調
鉛人生香活色下筆親謂吉甫見者誰不驚絕倫南宗奕葉宜
傳薪俗師眼底徒紛紛何時寄山草堂宴坐話清晝看作鼠
尾丁頭皴

慈航寺小憩

健修堂詩集

卷七

七

浩蕩川塗滯客裝暫攜勝侶憩雲堂冰盤沁齒蘋婆脆苔徑
打頭松子香負販人歌泥滑滑村墟煙抱樹蒼蒼津梁疲後
心情懶生滅無勞問法王

定興弔鹿忠節

請告江村住依然大布衣邊防連歲改公議舉朝非伉直金
花奏淒涼碧血揮握機傳一卷誰與叩精微

高碑店

東平碑已踣村墅賸空名翠滴遠山色虹收殘雨聲南流開
聖竇北道拱 神京恨結垂絲柳當秋縮送迎

都門雜感用杜工部秋興八首韻

商飈一夕撼楓林天府高標氣鬱森沙湧盧溝奔濁浪雨垂
碣石變元陰淒涼中澤哀鴻語縹緲寥空獨鶴心惆悵撈衣
時節近鳳城萬戶搗秋砧

滄溟東折析津斜圓嶠方壺捧日華蜃窟毒飛倭國箭蛟涎
腥阻使臣槎似聞欵敵輸金幣無復徵兵奏鼓笳早晚和戎
煩魏絳日南旌節放新花

觚稜雙闕竦晴暉閭闔宏開象紫微中禁晝長清漏轉上林
花暖曉鶯飛憂時賈誼年方盛下第劉蕡願屢違渺渺江湖
秋滿地羈禽敢慕稻梁肥

輸羸身世付枯槎梁甫吟成字字悲薦士不聞楊得意留賓
健修堂詩集

卷七

八

難遇鄭當時依光溫室鷄栖老退食沙堤馬去遲自是 聖
朝無闕事玉堂丹地罕論思

蒲昌海抱賀蘭山屬國名王絕漠間萬里梯航朝魏闕終年
琛貢走陽關西陲控制先迴紇北部羈縻徧朵顏清晏何人
工作頌蓬池珥筆有鷄班

黃塵飛鞚御街頭綺纈珠袍艷晚秋螭樹輝煌宵倚醉碧簫
哀怨曉吹愁空羣磊落思天馬混俗浮沈讓海鷗莫上金臺
重弔古薊門烟樹接邊州

蕭曹耿賈漢元功麟閣丹青繪壑中血戰風雲傳偉畧承平
弓劍冷雄風鷹坊檻折苔花紫馬埒沙乾夕照紅今日不堪

論將帥新豐折臂贖衰翁

玉泉錦浪瀉逶迤飛放蜿蜒指舊陂霜打敗荷歌蘸水雨飄
衰柳臥生枝窮途作客文章賤孤館懷人歲月移憂患日增
豪氣滅青冥踳踳翅低垂

題金冬心畫梅三絕句

七十髯金老更狂寫梅筆力倍空蒼生香活色圖成幅抹倒
黃筌與趙昌

西湖波冷水雲昏古幹槎枒蝕蘚痕一笑風前閒潑墨孤山
招得老逋魂

危根似石何妨瘦小朵如雲不厭肥夢入羅浮三百樹玉腰

健修堂詩集

卷七

九

胡蝶作團飛

大通橋作

大通橋接白河流歲轉龍驤萬斛舟天庾盡資飛輓力廷臣
誰切廟廊憂預防淮北金堤潰要使畿南玉粒收祇有三山
林制府耕屯民食苦紆籌

林少穆制軍議修復直隸水利旋聞中止

天甯寺

精藍面晴郊支公棲遁處菌閣絕浮埃松門閉寒雨嶙峋窄
堵波青苔繡殘礎振衣快登陟坐見秋城樹霧斂殘籊零風
迴晚烟聚碧草尙含萋佳辰歎虛度塞雁引歸心元禪話羈
緒望遠思故山懷人傷往路流年東逝波崢嶸迫遲暮悠悠

千里情淒其畏霜露

遊襄山

襄山千仞竦谿碛石澗幽深蘚徑斜一路嵐光明竹柏四時
清景變烟霞雨餘野叟鋤靈藥風定林僧掃落花駐馬靜看
雲出岫隔林殘照竄麀麋

七月十三夜對月

商飈厲秋節露華涼悄然羈蛩抱虛警切切鳴么絃明月出
海底照影玫階前素魄未戒盈澄輝射珠璣蒙茸青桂花垂
蕤一何鮮索居蘊幽悵中懷鬱難宣故鄉隔南斗側想魚書
傳美人期不來騁望徒悵悵金波攬盈掬詎釋心憂煎沈吟
健修堂詩集卷七
倚雕檻朗詠逍遙篇

卷七

十

十四夜對月與蔣海東楨小飲池上

殘陽斂東榮肅矩薄西昊蘅臯香漸衰梧井葉爭槁駭霞尙
餘頰兔華瞬流皓銀潢色滅沒麗彩疎雲表良朋攜酒至芳
筵薦嘉藻仰睇白玉盤俯窺青萍沼浮蹤迭離合容鬢變衰
老感此心飛揚悲歌頓忘曉鄰笛慘不歡聞砧淒罷搗願言
罄杯觴傾襟矢永好

十五夜對月

圓靈金水精逢秋愈昭曠胎魄雖示謙重輪正幾望初生華
林端旋映文軒上入戶印方暉眉庭寫殊狀結綺誰家樓仙

娥宛相傍知有憑欄人傷離坐惆悵素琴一再彈幽蘭發清
唱敢怨知音稀遙情託貞諒惠連逝已久賦筆疇能抗思迴
織阿御徘徊入羅帳

十六夜對月期湯子厚不至

巖城夕柝起薄爽生翠閣冰輪未改轍漸出東南墀晶光亘
匹練昭質猶無虧逡巡步檐側列宿當空垂念我素心友同
在天一涯云何抱微疢竟爽瑤華期人生非鶴鯨安禁東西
馳忠信苟弗渝在遠如連枝君看牛女星歲有相逢時踟躕
寄遐想援筆申此詞

十七夜對月

健修堂詩集

卷七

十一

水雲如魚鱗橫空耿虛碧虬漏響乍沈銅街靜人跡紅牆百
尺高遲遲上圓壁望舒容瘦減未異三五夕皎潔橫座隅瑩
煌透簾隙不惜光景頽所悲歲時易世路方迤邐恒流厭孤
直至人尙韜輝君子貴沖惕天路辰匪遙排風養鵬翼好持
光明心他鄉慰離析

薊門懷古

寒林蓊鬱暮烟重當日神堯此舊封金口瀑流波百折玉泉
山接翠千峯遊畋失國傷耶律英武開基想慕容猶有荒岡
存霸氣蜿蜒北走勢如龍

苦雨偕芝卿作

騷霧秋陰萬里同
靈霖旬日勢難終
蛙鳴牀角苔生竈
馬蹶街心水没缸
人到長安險滯雨
夢迴歧路怨晨風
清才輸與雲間陸
佳句驗成寘滿筒

芝卿次韻見示和答

早秋天氣暮秋同
涼逼雲蒸漏點終
名士過江矜玉麈
美人遙夜怨金缸
南山文豹虛乘霧
東魯爰居暫避風
且洗牢愁沽濁酒
便川新釀勝郢筒

萬年鐙盤歌

有序

盃形正圓圍尺半
強深六寸弱口微
咳腹枵然以虛外
飾牛首三底穿三孔
與牛首相直剗蝕窳
精殆將突破疑經環
索繫屬所致篆文二
字在其層漫漶難識
銅質極輕叩之聲橐
橐然周身青翠纍纍
如貫珠蓋煙燄土氣
凝結而成徧考博古
諸書皆無此物定爲
秦漢以前古翁中萬
年鐙盤也樊二鶴州
招飲出示作歌

健修堂詩集

卷七

七

三泉月墮秋陰慘
鬼語啾啾啼夜短
蛭脂吹涸北邙風
莫見人間出金盃
交枝影晃黃腸側
翠滑低垂同服匿
紅椀一閃倏無煙
愁結蒿宮半天黑
發邱郎將身手強
左魂右魄開元堂
珠襦玉柙已灰滅
留此五石玻璃光
寶錠晴虹迴殊製
模餽誰認周秦字
會挂銅牌待沈彬
不比長明冶城寺
海肺冰

荷世多有放大光明照身後饒他穆滿置恒輝難保千年萬
年久寒宵重蒸青植油積尸氣逼涼如秋妖狐忽戴鬪體過
星沈月死天幽幽

夜坐

久客亦云倦苦吟誰與酬松風悲永夜草露泣涼秋節序驚
漂梗星河入倚樓鯨鯢方跋浪獨坐萬端憂

都下與心巢兄相會時留宿寓中偶因雨阻則數日不

得相見鐙下無聊成七律三首信筆所之殊自忘其
率易也

兩月相從住 帝都對牀分枕夢江湖飢來肯學魚吞餌客

健修堂詩集

卷七

三

久幾同鶴在笈自有風雷入胷臆恐驚塵土上眉鬢何時種
豆南山下分占揚雄宅一區

不見便同千里遠坡公此語耐人思空階雨滴蟲聲碎老屋
風搖燭影歌好酒稻生收漫浪叩門陶令拙言詞阿奴碌碌
今彌甚記否悲歌斫地時

猗膏方轂轉無因木植麟皮見已頻攬鏡貌驚昭畧瘦添衣
骨笑仲翔屯氛迷碧海思橫草路阻青雲歎積薪誰識茫茫
塵海裏翛然容得兩畸人

送湯子厚歸毘陵五十韻

別君歲行周千里不相見都門纔握手又作風雨散悵悵雷

陳心落落尹邢面塵泥汗短策苔蘚繡長劔探懷襮刺空被
體蘇裘綻赤鷄暗不語綠駢餓無菽徒殷孽結情竟乏文酒
宴曲梁締初交官閣愜深願峻嶒玉骨撐慷慨金心鍊縑細
共搜擷丹墨互讐勘品茶虬漏沈命酒燭花燦神碑揚响嘍
梵夾訪樓炭蘭若幽偶尋荷塘暑頻追清遊不知疲才語每
忘倦析疑千距踊得句一笑粲北轅路在經西笑轡同按恒
山峙高標淖水突奔箭霸圖襄國餘地險邠南奠名城闕千
秋廢壘經百戰煙蕪銅狄肩草沒石人訐憑高弔今古撫事
懷理亂扶風愴悲歌廣武莽興歎燕臺小留滯驥足謝羈絆
投林感飢烏儀羽羨鳴雁洺水君迴旌樊輿我移硯良覲阻

健修堂詩集

卷七

七

殷勤德音達纒綫停雲空有詩今雨子無伴淵潭龍化遲枳
棘鳳栖暫長沙策重陳季子學新練擲拚孤注險投恐夜珠
暗返心慕春暉去意託飛翰行李束恩恩柔腸回眷眷離堂
暮雨淒高樹晨星澹未容鷗再行已覺淚先泣毘陵古名區
昭代足英彥夫君八斗才駿譽一州冠楹書紹青箱囊錦祕
黃絹照人肝膽清下筆雲霞爛志大識愈沈心高世聊玩元
亭著述多河朔遊蹤徧縱充南山隱終受北海薦接席愧粗
材傾衿荷青盼應劉名畧齊蘇李別非憤前歡渺難追征袂
慘將判如繩塗阻修似水意榮牽涼波艣一枝曉色帆六扇
遙惊引江湖秋夢逐葭亂好擗雲溪蕤敬絜萱闈簞鴻瓜倚

合并駒光若郵傳最哉金石心母嗟異鄉縣

舟行口號

向曉抽帆去清秋絕溽蒸水雲癡不散山色澹相矜莎屨涼
嘶蚓篷窗靜掃蠅榜人沽濁酒誇說似蘭陵

五龍潭

幽潭龍所居百尺涵窾靈波黝然黑白日不敢照圓割垠
厓滑直下圻斤陷噓氣煙雲生寫影毛髮肖屈蟠通泉源浩
淼受霖潦不滲亦不溢終古此淵奧靜夜驪珠光當暑金鱗
暴村民偶窺見喘汗走相告來觀倏無覩但聽風雨嘯珠龕
崇像設蔽珮交晃耀鐵牌字模餽流傳鄂公造炎炎蘊隆威

健修堂詩集

卷七

五

輒作桑林禱殺虎刑蒼鷺連村薦牲芼豐凶係天意事急枉
犇蕉苟其誠悃孚神力亦相効迢遙聖井岡一例說祈報載
讀南塘碑茶煙起僧竈

廟有邑先輩
南塘碑

三皇廟古井明金御史毓峒殉難處

寒蕪偃悲風怪樹翳荒日渟泓百尺井盛夏無人汲有明程
鶴公大命此中畢苔發雖彫殘靈泉尚鳴咽維公抱奇節恥
蹈脂韋習晚充監軍使驥足暫維繫神州已陸沈餘燼那堪
拾攘臂奮一呼豪俊爭雨集橫刀誓殺賊血染樓堞赤孤城
倏崩摧萬命判呼吸公抱精衛心肯受封狼執湛湛此止水
含笑奮身入君恩敢云報吾自盡吾職到今二百年談者爲

悲泣士生丁百六宏達觀樹立昂藏忠孝軀事迫拚一擲慷慨與從容詎假隸也力穹碑古牆坳展拜肅握揖北望椒山祠雙忠起矜式

和陸費端卿冬夜詠懷韻

籬花骨傲晚香含益盎蕭齋列兩三多病沈郎同鶴瘦耽幽宋叟愛雞談苦吟笑我詩腸澀文戰輪君筆陣酣老屋東西牀上下勝他周北與張南

芝卿和前韻見示余亦繼作

丹橘經霜綠尚含嚴冬天氣近三三詞壇競試雕龍手狂態偏容捉麈談展獲直躬遭世黜靈均醒眼看人酣間鷗息羽健修堂詩集 卷七 六 知何日春水微茫繞舍南

李夢韶廉訪入都道經保陽招同劉桐軒

伯齡

遊蓮花

池二十四韻

蓮池存故蹟不靳再三遊仙侶偕公幹嘉招赴鄴侯到門人意蕭躡屐蘚痕幽蒙密貞松古嫵娟菜竹修畫橋欄偏仄雲竇石彫鏤碧甃欹將墜紅泉咽不流琳碑支壞閣藻井坼空樓坐樹栖鴉縮驚人野鹿呦徐行沿碧澗小憩陟崇邱澹澹殘陽沒茫茫遠目收霧沈諸堞盡天讓眾山浮墟郭開千里煙霞絢一州市聲來浩浩鳥影去悠悠撫檻懷今古倚襟任滯留趁 朝方振轡過郡偶鳴騶梁苑追陳迹秦關壯遠猷

勳崇邁方召材劣愧應劉頓軼身如贅龍鸞筆漫抽班荆情
懇款贈策感綢繆暫釋離居感翻添異地憂興酣矜楚舞耳
熟試吳謳袂待來朝判觴期永夕酬章華邊讓賦伊洛李膺
舟鴻爪恩恩記休悲歲月遒

齋中六詠

漢圭

信圭光磷磷得自村民捐百乳繡土花一片水蒼色試投猛
火中三日燒不熱

薛氏鏡

團圓紫珍鏡遠來自茗谿深藏雙鸞匣歲久生塵翳真色世
健修堂詩集

卷七

十七

間無何必窮妍媸

張銅手爐

張銅產嘉禾陶冶擅殊製膨脞鵲尾爐深刻鳴岐字呼之曰
辟邪補入采蘭志

均窰水盛

均窰古瓷淺注水一掬多冰紋黝然黑精埒官柴哥晴窗愴
無事一日三摩挲

鐵如意

錚錚百鍊剛繡錯碧花滿軍事供指揮卓哉此其選世無諸
葛公但見王昭遠

方于魯墨

一挺劔脊膠黯黷色如漆佳品冠譜中程羅瞠不及睠懷磨
人語爲之三歎息

韓烈婦詩爲金近園 力仁 丈作

韓烈婦祿豐人嫁章氏年廿春夫病天婦厄屯矢堅白無緇
磷庭有鶉敢予毒銜紅巾汙白玉熊綏綏形逐逐冰雪軀誓
不辱力荏弱心崩摧掩羅袂歸泉臺宛未雪尸永薶六月雪
青天雷金使君面如鐵甫下車循聲赫咎覆盆情慘切夜焚
香顛貞潔魂兮來鬼火青魂兮返風冷冷械奸慙加笞榜情
旣得獄乃成雄狐誅孤鸞慰發幽光標綽楔父老吁鄉鄰喟
健修堂詩集 卷七 六

齊婦貞于公惠婦何居左所莊夫何名章宗唐身死歲維昭
陽冤白歲維敦牂作歌詩爲表揚千百祀清名彰
題陶鳧香師施南道中雜詠後二首

矧烏蠻花擁畫旗此邦山水要清詩使君政比香山美不唱
楊枝唱竹枝

沅湘波繞三閭廟惜未從公負笈遊想見英靈夜來往蕭蕭
楓樹冷猿秋

題文伯仁畫瀟湘夜雨圖

蒼梧連縣接九嶷瀟湘二水縈繞之重華南巡去不返到今
崖畔留荒祠英皇淚盡繼以血血斑紅染千筭簷寒風吹波

暮颯颯野煙擁樹秋淒淒元猿叫號子規哭神光終古飄靈
旗五峯山人老畫師下筆自寫胸中奇吟餘屈宋騷辨語貌
出顧陸煙雲姿展卷使我心然疑碧峯摩空相蔽虧濃陰密
鎖琅玕枝江潮洶湧浮蛟螭浩如萬頃青玻璃何人艤棹江
之湄篷窗鐙穗搖紅栢雨聲涼雜風聲吹珮環交戛鳴參差
荃蘅採將盈手持感然似傷遠別離竹實不成丹鳳飢蕢蔬
蕭艾紛歲蕤閭闔九門蹲魅魍妖鯨吮血張鱗鬣重華靈爽
渺難卽中天再覩嗟無期畫師託意尙在斯展卷使我心然
疑詩成撫几空嗟咨

健修堂詩集

卷七

十九

健修堂詩集卷八

任邱邊浴禮袖石

岳忠武祠銅爵歌

銅爵五寸樣堅好舊是精忠祠內寶流深整闕腹膨脗土繡
斑爛碧花繞故物流傳嘉泰年小印深鑄倦翁造何時摹勒
上貞珉載記栖霞存可考於虜岳侯英武真無雙金甌手奪
交康王義旗電掃兩河北背崑入百誰能當老奸正闕格天
闕孱主但恃錢塘江班師詔忽從天下軍中誰識金牌假未
能痛飲抵黃龍坐使要盟刑白馬一門忠孝嗟無補不死沙
場死囹圄行酒青衣去不還空教血濺圓扉土身後褒忠惜

健修堂詩集

卷八

已遲祖德賴有文孫知鑄成重器奉家廟貴埒夏鼎兼商彝
想見春秋家祭日英魂來饗猶嗚嗚酒痕羞染太師紅銅質
疑分天水碧西湖芻土南枝柏耿耿長虹射天直世守全憑
子姓賢護持端賴神明力六陵寶器黯無光此爵流傳終不
蝕桐鄉轉徙來嘉禾陽文款識供摩挲遺編廿卷搜玉楮瓌
寶一旦歸金陀羽觴兕斝何足貴中有英雄三斗淚試看浮
白醅公遽醉擊階前鐵人碎

書宋高宗賜岳忠武奪情墨敕拓本後

湖山燕衍臨安地日夕惟愁北兵至荆湖宣撫岳家軍稠疊
綸音屢頒賜金花箋紙題焯焯百十字走明珠光紹興小璽

鈴左方情詞激切意慨慷欲圖中原由襄陽燕雲唾手願可
償古人墨經臨戎行移孝作忠本大綱應詔而起慰朕望卿
其勉哉慎勿忘是時君王氣猶壯同仇政賴熊羆將誓掃烟
塵靖虜廷手奉宮車問无恙中朝和議由奸檜虜王甘受權
臣賣將星如斗落西湖萬里長城自摧壞栖霞賜第遭橫搜
一門老穉皆長流妖雲垂空大鳥瘴賜書狼藉無人收空餘
此敕付宗祏錦甯玉躐珍琳球碎編尙積班師恨片紙莫贖
和戎羞我聞高宗書法追兩晉內景黃庭養生論零縑斷楮
滿人間三字奇冤難雪憤湖水清漣照武林悲風騷屑起湯
陰豐碑長墮英雄淚留表忠臣孝子心

健修堂詩集

卷八

二

題閩典史應元江陰守城記三十韻

滄海橫流日悲哉砥柱難斯人丁厄運勁節出卑官國步方
凌盛巖城僅彈丸地偏戈甲敝歲儉吏民單破竹諸軍集如
林萬矢攢梯衝天上舞鼓角地中謹士厲撓鋒志公同仗劍
歎囊沙朝築壘捲旆夜登壇雉堞隳仍補驚車破更完犒師
儲糗糒撫眾吮創癩列郡齊崩角微臣誓納肝吠堯嗥豺犬
當道臥封貓援絕蚍蜉力飢謀雀鼠餐烽傳霜月白戰苦陣
雲寒壓卵山彌重當車智已殫斬關聲洶洶掃籜勢桓桓僚
采元俱喪妻孥命盡捧燔柴頰板屋抱石隕清瀾就義孤衷
慰成仁眾目觀刃捐仇牧脰纓結仲由冠倔彊軀橫鐵崢嶸

髮植竿青燐飛慘澹白骨暴噴吮血化千年碧心留一寸丹
英魂歸潞水正氣照江干厯劫兵氛熄興朝國典寬叢祠
容盼蠻貞碣任彫剝峻軌疇能繼鴻名永不刊精忠懸日月
芳烈播椒蘭慷慨殷頑遠褒譏魯史殘鐵函遺錄在留與後
人看

擬李義山隋師東

真番烽燧接臨屯乖計亡師信屢聞杖鉞國無中執法穿錐
人作大將軍謾因挑釁憎裴矩深恐稽誅宥宇文痛絕嶺南
排鑕手遺骸支拄死紛紛

登大慈閣

健修堂詩集

卷八

三

精藍絕境偶攀躋浩浩天風一杖藜龍象光寒摩碧落雨花
香散繞丹梯定心不爲浮雲改望眼愁看落日低愧煞瞿曇
事真隱慧鑑終古湛瑠瓊

祝子虔

恂

招同沈匏廬太守王講泉

澂

刺史方鐵珊參

軍小集有作五首

浹歲簪頻盍新涼轄再投清談追魏晉上客盡應劉佛禮金
塗古書窺玉枕迺精廬吟嘯地風葉半庭秋

灑落推前輩當筵述舊聞蘇州狂刺史蠻府老參軍撮臈書
藏篋撐霆句出羣主人尤好事四壁寫煙雲

畿輔論風雅誰如醉守賢十經學古訓八詠續家傳貞石公

餘榻叢談靜裏編衙齋曾解榻回首倏經年

閩嶠烽煙接梁園惡浪漂堙流思賈讓掃穴少班超清議終
何補憂端不自聊安危身外事斟酌罄松膠

文酒留連數君能恕我狂豈惟疎禮數漸覺厭冠裳勝引從
霑接浮生信渺茫秋風正搖落愁絕爲思鄉

石橋道中紀事

石橋地勢汗一雨成沮澤我行當夏中白浪沒車軌秋殘積
潦退旁午見原隰垂轡再經過已種青青麥此邦拱畿南率
土半墾墾頻年苦炎旱布種多不實今來慶綏豐稍緩閭井
力追呼雖未免稱貸不須亟云何海氛惡師旅行絡繹頭牛

健修堂詩集

卷八

四

奔棧車比戶徵求急官符下如火見者輒寒慄伍伯恣狼貪
胥徒助蠶食遂令八口家夜寢難帖席縣官老子事說著僞
憂感羸財飽私囊詎肯念彫瘠循良古遺直仗爾活邦國治
絲任其勞萬事將孔棘奚況竭民膏致令悲鼠碩吁嗟元道
州見此定傷盡詩成代諷諫敢效春陵筆誰爲陳此詞君門
九重隔

秋日旋里驚聞仲姊之訃哭挽八首

甫稅鄉園駕驚聞姊氏亡百年分手足一慟斷肝腸力爲持
門瘁容因念母尪前塵重憶取回首恨茫茫

綺歲推柔淑于歸廿二春劬勞相夫子屣勉事偏親執爨無

虛夕鳴機每浹晨半生勤苦志淒絕未曾伸

家難頻年亟紛爭宅與田變同荆樹萎覺起豆萁然讓德周
親服貞操百折堅推財兼割產此意總能賢

春晚曾歸省深居慘莫娛晨昏猶侍膳疾疢已纏軀合藥須
人代支牀倩婢扶泉臺行漸近暫喜緩須臾

倏棄塵千劫難留命一絲鴉鳴符惡讖鶴駕促歸期針鈇淒
涼散蔓荅瑣屑遺憑棺兒女小嗚咽淚霑頤

老母含愁極臨喪哭倘聞無方搜聚窟有恨指靈氛設奠寒
雲杳迴車落日曛溫詞聊慰藉淚雨制紛紛

望弟成名早貽書勗不休關心恩竟負盈耳語空留壽僅踰

健修堂詩集

卷八

五

中歲魂應怯九幽同懷人再殞身世倍飄浮

由服何時釋屣砧不再鳴風霜摧薄祐骨肉愴浮生迅羽悲
零落諸雛盼長成哀歌和淚寫難表德英英

將至保陽道中書所見

古道印牛跡幽林出雞聲炊烟白如絮界破秋天晴盤迴過
前村水涸道始平長風馬頭旋落葉紛相迎豐碑仆道旁識
是誰家塋衰草綠茫茫時有居人耕賢愚土一抔身後究何
成我抱姊氏喪感此繁憂并覽物愴霜籬振策傷流萍聊爲
勞者歌試遏悲哉情

贈方沁梅

德駿

孝廉三首

道喪士失已趨榮人乃多滔滔江海流疇能鄣其波方君幼
孤露養志居巖阿勤學歷十載兀兀切與磋篤志慕顯揚持
躬羞媿媿昨秋賦鹿鳴來應賢良科韓椎狙未中策塞歸江
沱訪我樊輿城懇款無欺詭浹旬共談讌如坐春風和遽令
喆竄軀一霎蘇沈疴

君貌殊温良君文倍奇矯興酣一落筆膽大九州小孤清遠
塵俗輿衍破天巧舉舉江南子才氣如君少想當結構初苦
踰蟲食蓼文章雖小技要貴監題腦搔癢不知處枉費麻姑
爪多君獲斯祕聿卜通籍早君才若淵泉我學等潢潦願締
韓孟交同聲歌二鳥

健修堂詩集

卷八

六

枯松倒澗壑不若蓬與蒿黃鵠飢謀食燕雀笑其勞歌我相
逢行貺君將歸謠乾坤方肅殺世事誠難料好去聖湖濱欣
然尋舊巢上堂爲母壽近局赴友招烽烟暗海濫未免增煩
叨終勝歧路人彳亍荒寒郊南鴻矯修翮浩蕩馳風颿曷哉
歲寒心勿畏嚴霜彫

題明岳侍郎

元聲

劾魏奄疏稟後

漣疏上奉嚴旨奄疏上奉温旨是非顛倒臣之恥疏宜納上
不悟疏宜覈上不顧臺省從茲塞言路君心如石欲轉難遑
計奄罪高于山塞聰蔽明等煬竈君王姑息偏容奸君曰奄
小心臣知奄大憝祖宗家法森然在魁柄如何歸若輩朝有

須留骨鯁臣厥中合肅貂璫隊不令中外識貞邪預愁宗社
成崩潰君王方學公輸班童昏燕衍宮闈間五彪十狗臥當
道逆監那畏人糾彈生平報國肝腸熱再起再仆益孤子不
枉人呼鐵監丞毅然正氣剛難折吁嗟乎文言獄廷弼驥狂
牢六月飛嚴霜公獨削籍還江鄉祥麟誤遭獠犬吠高鳥竟
逃羅網張煌煌疏草一千字到今猶炳明珠光相臺家世金
陀里異代精忠藏信史神祠黑夜走英靈去訪同朝五君子
冬夜寄懷心巢兄並懷馬二鶴船華十三梅莊高四寄

泉湯二子厚三首

與兄同飢驅俱坐貧爲累一年四爲別面若尹邢背虛舟任
健修堂詩集

卷八

七

飄蕩漸識江海味堂堂年少容孽鏡臙憔悴辟世謝楚狂依
人笑齊贅新進慶彈冠鴻都鬧如沸京華閉門居誓不慕權
貴世事何足論蹉跎稱吾輩甘爲婁大夫唾面俟其退勿爲
李祕書氣比干將銳努力報春暉束躬整韋佩

影髮奚足畏乃多涓蜀梁中情稍回惑冰炭生肝腸弟懷旣
坦蕩兄性尤溫良前生兩耀仙誤墮名利場賴有空明心不
爲憂患戕結習苦未除兀兀攻詞章妄冀百篇詩能吐千丈
光聞兄學草書塗抹鍾與張徒令俗人愛絹素堆盈箱中年
困哀樂百事宜周防何當悉捐棄歸釣雲水鄉

馬子居金陵經年寡書牘高子客樂臺雖貧尙儒服湯子在

兖州駿駒悲局促華子去江南層冰齧車轂懷哉濟川才俱
受塵網束海水散流萍天涯誰骨肉不憂會合難但恨年華
速淒斷停雲篇清宵翦鐙讀虛廊隕寒籥攪夢聲簌簌烏啼
萬瓦霜人語一寸燭牽連遂成詩寄兄應三復

感事七首

迢遰江東信傳來苦未真不聞圖進取焉得靖風塵諸將俱
拚死羣公莫愛身蒼鷹謀搏擊快及雪霜晨
招寶山頭石秋深急戰烽同仇無士女揖盜有好克城破官
仍在兵驕賊益叢臺司誰執法功罪太朦朧

再失丹徒柵空屯積弩堂中權無忌殞閒道雅之亡白跖謀

健修堂詩集

卷八

八

偏狡紅頭餒倍張孱兵虛召募何補萬民瘡

海水飛難定星芒太白高雞豚遭殺戮邑井盡遁逃慎勿誅
求急應思撫字勞老臣心力瘁無暇問戎韜

一鑿凶門出元戎再啟行征蠻疎碩畫論蜀但虛名容易卽
推轂艱難誰請纓天機不可料何術翦莽鯨

虎阜鶯花地金閭錦繡堆荒淫餘末俗柔脆乏雄才猛士連
營駐親賢秉鉞來湖山幽絕處莫忘畫雲臺

消息疑風鶴成山又鐵山地形標險阻天塹慎防閑 勅使
巡行數 朝衣取次頒金湯萬餘里根本在渝關

校勘夢遊仙館集感懷吳更生二首

懶祭何曾擬玉溪推烟唾月巧修詞豎情麗翦團窠錦逸想
冥抽獨繭絲壇坵交遊多老宿江湖漂泊感衰遲生平俎豆
尊杭厲彈指華嚴自出奇

洹水題襟手乍分豈期此夕定君文壁藏幸免人投廁筆削
慙同匠運斤合有聲名傳菟苑更誰風雨弔秋墳表揚政賴
朱公叔未要幽魂地下聞

朱小雲先生
擬爲付梓

保陽客中卽事感懷四十韻

久客青油幕身閒感易增蹉跎元自耐憂患况相凌魯酒酸
藏淚吳鉤憤吐稜慮叢心抑鬱愁損骨峻嶒塊獨疎吟嘯薪
勞廢寢興排風摧短翮繫日乏長繩院仄斜陽駛天空朔氣
健修堂詩集

卷八

九

凝林容昏似漆窗紙裂如縉石鈔晨敲雪晶簾晝捲冰壞雲
飛鳥墜虛籟怒濤崩匿比遁逃客臞同粥飯僧貂裘從綻弊
烏几懶依憑身世丁茲會烟塵埽未曾妖星纏慘澹羽檄走
憑陵專闖師疲薊中朝習吝憎幕焚凋器甲城破莽榛芳瑕
垢羣公忍流亡比戶仍翻波蟠毒鱷孽海少輕鵬望遠聊舒
眼憂時但拊膺愚忠庶人議高位達官矜國步方全盛臣工
慎敬承逸材搜綠駢讒燄熄青蠅死敵黎元慘和戎將帥懲
孫吳存偉畧頗牧有傳鑑銅柱殊勳建金城鉅任勝奸克誅
白蹠頑梗定奇肱枉抱終軍志慙無介子能瓌瑾入笈鶴局
促下韝鷹絲亂何當斬蛟寒正可嘗壯懷輸祖述豪氣激陳

登聽雨思兄弟停雲念友朋旅愁塵半榻鄉夢雪千脰藥散
年時裏書拋舊日騰經綸期將相規矩痛高曾枿檟虞邱老
烟波鏡水澄任公宜把釣蘇季悔擔簦捷徑他人占巖栖我
輩應臥遊空六鑿虛願謝三徵返哺烏謀食銜蘆雁避矰悲
歌聊送日何暇計軒騰

歲暮旋里留別傅石泉師暨芝卿昆季四首

身外榮枯總莫論拚從客土託危根焚餘賈誼匡時策消慣
江淹送別魂卒歲無衣愁婦子倚閭有母念王孫來朝匹馬
衝寒去目斷西山雪一痕

意氣生平得我師囊書匣劍鎮追隨春風入座千人暖霽月

健修堂詩集

卷八

十

涵空萬象早聯韻愛揮青鏤管談元深坐絳紗帷相看祇苦
謀生拙一笑都無地與誰

紅鏡影裏馨離觴深感機雲有熱腸薄劣頻年邀顧盼飄零
何日定行藏虛傳畫壁新詩好夢想柴門舊逕荒說到酬恩
空掉首朔風吹冷寶刀芒

湖東烽燧尙騷然捷報經時望眼穿但恃錢塘潮拒馬不聞
赤壁火燒船儲胥徵調朝中議功罪分明閩外權好挽銀河
供洗甲莫令水怪久飛涎

春夜雜感

旋炙熏爐尉袷衣打廊疎雨夜霏霏春當二月寒猶賸人近

中年志易違貧賤自甘儒是腐昇平誰見將能飛淅東盼斷
無來信虛說星辰屢合圍

懷沈五樓鳳才明經

瘦腰才子東陽沈三絕生平擬鄭虔草草金臺聯別袂遙遙
皖水促歸鞭淨名欲噉都無味塵海相逢信有緣好倩嶺梅
遙寄語春愁吹上衍波淺

懷李蓮舫大令

秦關千里暮雲深別後音書渺莫尋幾輩風塵能強項十年
渤海有同心花繁鄂杜迎潘令

君近攝
鄂縣事

酒熱春明記越陰他

日西京古疆索看君傳徧宰官箴

健修堂詩集

卷八

十

寄仲思弟陝西

寒雨曉濛濛登樓憶阿戎輕裝辭薊北匹馬眺關中華岳三
峯險黃河九曲雄新詩應寄我慷慨學秦風

題劉靜修先生谿山道話小幀

宋元儒者多善畫丹青遊戲娛清暇靜修先生出北方妙與
叔明仲圭亞詎從菽苑門能事要騁天機寫元化不知此幀
何年作煙墨淋漓光激射雙松髣髴移徂徠疊嶂分明割嵩
華奔泉百道掣銀箭灑灑林梢密無罅石門厚豁鎖不住湧
過橋心似穿胯忽然散落向平川一片淳泓鏡新研松根老
叟頰白鬢衣冠散朗神敷腴正襟危坐若有會得非相對談

黃虞抱琴樵童五尺餘倚松兀立同枯株夕陽淡映空山隅
黃葉飛滿幽人廬松聲似答泉聲粗明窗傾聽倏移晷耳中
恍惚鳴笙竽當日中原正龍戰戈馬縱橫滿郊甸先生獨抱
避世心仙境桃源眼中見晚年束帛強就徵肯被簪纓久羈
絆偶然潑墨走霜毫似爲烟霞繪真面俎豆千秋奉舊鄉風
流文采況無雙捲圖藏蕊珍球珙莫繼明人議渡江

春暮寫懷

前宵鶉鴉昨宵鶯芳草天涯綠漸平別夢醒來無倚著好春
歸去不分明早知識字叢憂患深悔因人著姓名千劫俗緣
磨未了仙雲迴首隔蓉城

健修堂詩集

卷八

七

贈吳榕畵明府

世涵四首

百年容易盡聲名獨難朽儒林文苑人詎在聲利藪吳君出
栝蒼恥爲習俗狃讀書空山中落落寡交友生平百篇詩氣
壓杜陵叟橫海蛟龍蟠殷壁雷電走鉛華悉屏置澈底見清
濁知君好曾次百怪靡不有雲夢尙可吞何須論八九

真面苦不足修詞乃益工妖浮遞相煽至竟歸雷同文章若
元氣浩浩無終窮陰陽運鑪韜光燄騰飛虹橫亘江淮河岨
起衡華嵩運會雖遷流砥柱常穹窿一笑捃摭徒小鳴同嚼
蟪我夙持此論喜君來發蒙借非晉師曠疇與分昭聾

躬耕負初願謀食倚毫楮搜句盈錦囊飢來不堪煮君懷嗜

痲癖一見輒矜許長篇歌磊落持贈情懇摯頓令跡弛才喜
持甘蔗舞十年性命交分散渺吳楚詎意塵海中孽袂得今
雨清詩謝康樂博識張壯武擬敬大匠門相從乞規矩

民溺寡援手閭閻瘠且尪畿南彫弊地延頸思循良豐碑頌

遺愛近數桂

丹與王坡

君讀西京書圖治蘄龔黃一朝縮銅

符肯讓他人強經術本大醇邑風宜小康鯁生橐唵筆有日
來巖疆雲亭閒問字由瑟容升堂會看甘澤謠歌徧蠹吾鄉

寄楊彥卿三首

湖海飄零各一方離亭分袂兩年強身名笑我多疲茶才調
知君漸老蒼蹈海空思魯連黠當筵未改次公狂相煩手織

健修堂詩集

卷八

三

相思字寄慰騷人鐵石腸

方輪不轉復何訖早識神鋒讓曲鉤汗馬幾人能殺賊爛羊
隨意取封侯棊逢殘劫無良著藥付庸醫每誤投只有君家
好兄弟他年相約作閒鷗

暫借杉廳作寄巢韞辭癡步任詼嘲楹書偶檢思先澤筆札
重尋念故交對榻怕虛聽雨約揅蒼默繹履霜爻金門石室
非吾願歸葺三重屋上茅

題華棣莊金陵懷古詩後六首

陳隋花月恨茫茫劫火燒殘古建康賴有詩人收拾去二千

年事一奚囊

青溪鳴咽響春潮王氣鍾山久寂寥可有僧居雲霧窟與君
捉塵話前朝

翠珉合訪吳天墜金虎休悲晉永嘉歌到烏衣飛燕句也應
惆悵夕陽斜

湖雨湖雲幾度秋石城艇子櫓聲柔先生夙擅齊梁體何不
吟詩弔莫愁

兩年判袂迴腸轉千里傳書笑口開二水三山渺何處惹儂
飛夢過江來

沙董朱顏化作塵輕烟淡粉合增新勸君收起興亡感祇訪
秦淮舊院春

健修堂詩集

卷八

古

題陸費端卿賞桂延月圖

老蟾夜嘯清虛府碎搗都梁三萬杵散將塵世作奇葩香霧
空濛蟠一縷鴛湖公子參畫禪不數八公思小山冰廳無人
下黃雪跳身疑在瓊樓間自然仙翁摹粉本秋光涼照頗黎
枕石牛洞主遠難呼試揖姮娥話無隱

秋暮口號

吳棉新換袂衣單袞袞年華下坂九屋瓦有霜秋漸老砌蟲
無語夜初寒妖氛到處驚翻海飛將何人議築壇一卷陰符
焚不讀客中豪興久闌珊

龐雪厓先生墓下作

摩空作賦登三殿出守持麾歷八閩前輩英靈鍾間氣鄉邦
文采屬斯人名齊田趙宗風遠紀文達公以先生詩比田山薑趙清止詩仿陶
韋道味真此日荒墳誰下拜斷碑零落蘚痕新

扁鵲廟

入門不見天空翠滂相壓株株長身柏怒戰風颯杳老僧坐
雲房見客默不答覆額雪眉長知歷幾何臘碑趺鐵色古壁
畫蘚痕雜蟲絲網珠旒蝸篆繡金利聖手濟羣生明禪誰敢
狎崩角走村氓輸誠徧愚黠承平積憂患根本猝難拔瞑眩
方誤投斯民盡天札元二灾詎應庸醫罪當殺征車暫留駐
無暇禮禪衲試叩長桑君一商醫國法

健修堂詩集

卷八

五

吳彩鸞玉印歌

黃斑猛虎升天去苔繡西山踏歌處鬢雲一角白於脂千年
不受紅塵汗鹿車手挽嘉耦新作到神仙猶食貧蛾眉遠山
淡相對繫肘詎羨封侯人瑤窗韻寫溪藤滑廿三仙字誰工
押黃尖削玉剔芝泥羅袖飄香開鈿匣昆刀紙薄琢成方不
比翻砂兼撥蠟瓊寶流傳合有靈到今猶認斯冰法吁嗟乎
文人老困圖書府幾輩乘雲得輕舉幻想勞勞刻骨深羊權
條脫裴航杵雲笈從頭考七籤墉城祕錄例精嚴爲尋司法
陳州本紫粉膏濃試一鈐

贈楊蓮卿

康成忽作鄉音夫豈知卽是西京儒男兒通經貴致用足鞞
手板何辭汗與君早歲共遊學蠹魚鑽紙忘勤劬羅胷慷慨
晁賈策繫肘倜儻孫吳書飛蓬無根落天外十年壯志成迂
疎狂謀謬算無一遂捉刀幕儻青油居樊輿城邊把隘袂半
通新縮銀黃符董宣項領仍崛強高適神色增敦腴談聲崩
砦屋瓦震舌端霹靂驚夔臚自言潦倒爲貧仕要使一邑生
民蘇不然上馬手打賊前驅跳盪橫戈爰空羣久識冀北陋
捷徑恥復終南趨從教短人笑桂楯詎惱長柄詢葫蘆安能
槃蹕跋珠履履赧顏長曳侯門裙榴花五月紅照眼朝來別我
歸丁沾車塵浩浩望不極炎風伏雨催長塗阿連无恙憑借

健修堂詩集

卷八

六

問道我相憶多煩紆謂令弟彦卿作詩持贈誌會合牛腰卷束休
嫌粗

題周召伯盃搗本爲馮敦齋作

敦齋示我召伯盃字體鬱律蟠虬蚪呂圖辭誌闕未錄君從
何處勤搜羅相傳任城掘地得土花繡澀青成窠燕山濟水
稱接壤流轉鄰縣理則那當時分封重頌賚藏比夏甌殷瑀
戈昭王求仙合飲此金臺百尺陳堦戟不然祖餞向易水臨
風罌酒酣荆軻秦軍北指廟社屋重器俘寘嶠山阿茲盃有
靈定羽化暗逐泗鼎淪洪波千年富媪不受寶神光湧出捎
星河一盞盤迴帶崛疆三足端好無偏頗元英曆室鐘虞盡

留此獸腹呀然睡南陽祭酒釋調劑諧聲作訓違知他勸君
珍護硬黃本古製更與徵宣和

久不得心巢兄書作詩奉寄二首

京華獨索金門米菘苑爭傳玉枕書天末雁鴻來不易客中
眠食近何如逢秋合買羅暎飯訪友閒呼薄笨車聞說紗帷
勤問字元亭蹤迹莫教疎

殊方橐筆容樗散遠道傳書感杏殤萬事灰頽宜縮手百年
羽迅惹回腸刺天那得同鸞鶴掃穴何時縛犬羊剩有苦吟
情未已詩成崩砮響宮商

讀史偶成

健修堂詩集

卷八

七

西京人物易消磨虛設賢良孝弟科誤盡元成兩朝事鼠奸
難去虱臣多

周郭遣敦歌爲祝子虔作

古來槃敦貴珠玉合土笮金寶一族盟壇歃血配彝鼎重過
尋常獻錯鍍宣和所寶世無幾圖譜傳譌溷流俗案銘空識
柏寢陳兆瑞誰收綦母蓄參軍祝老抱奇癖金石搜羅溢箱
匱就中周敦最奇古寶氣歆雲騰滿屋銘文深刻曰郭遣齷
葉芝英體蜷曲春秋郭國本附庸偏處頻遭魯師毒未能守
祧比邾滕終見淪亡類邢鄗宗祊沿後三千年故物流傳土
花綠想當作器薦羹湯饜饜雲雷昭儼肅銘勳慷慨異孔悝

錫貝輝煌同放叔訓詞劓勒表孝思恍見東周俗淳朴鯁生
蒼史學久荒對此徒勞睜兩目獲瞻師比未知重親撫夔鍾
苦難讀高齋什襲好收藏勿令摩挲長癡疾賞心試續汲郡
編過眼宜增弁陽錄

宋瓷山歌再贈子虔

牟駝岡頭烽火赤王氣東京散無迹六璽俘歸五國城誰認
梁園舊花石瓷山一座巍然高芙蓉朵朵蟠層霄政和年中
曾進御欸識刻出昆吾刀神霄帝君稱好事媪相髯闔更顯
恣上供奇寶獻紛紛都是商周三代器燒瓷作山古無有得
非出自章生手想見齋宮錯雜陳雌鼎螭盃相配偶神護不
健修堂詩集卷八

文

入黃龍府物微未列宣和譜翠色晶瑩仿越州詎殊均象官
哥汝天水興亡恨渺然差峩良嶽空雲烟魚紋蟹爪帶櫻汁
貞質不壞垂千年子虔參軍篋中寶招客吟詩費搜討夢華
舊錄典重徵感喟休同孟元老

秋夜與金改之秦閒話二首

縱談文史散羈愁襪被奚囊感薄遊仗劍幾人延國士濯纓
何處覓清流壁蛩寒學吟聲苦庭草衰同旅鬢秋一事思量
聊慰藉東南烽火暫時收

塵土無由澣斷襟詰朝相約共登臨黃花欲照遊人眼落葉
偏驚獨客心永夜星河低斷雁西風樓閣咽疎砧秦嘉贈婦

詩成石羨子深閨有賞音

重陽偕改之登大慈閣疊韻並示芝卿昆季二首

憑高暫豁異鄉愁不數彭城九日遊
浩蕩人烟從下指混茫
山勢盡西流諸天佛臥松龕靜廢圃
僧鉏菊影秋欲縱豪懷
同戲馬麗譙空闕夕陽收

浮圖我已經三宿初地君纔試一臨
沙塞風霜勞極目蕪城
珠桂倍關心書傳驛路稀逢雁篋少
寒衣怕聽砧歸去題詩
飄館莫平原兄弟有同音

送陸費端卿之官吳門用改之韻四首

吳鉤錦帶別春明重作蘇門攬轡行
手板新充聽鼓客胷襟
健修堂詩集

卷八

九

豪壓乘孺生丁年事業需才俊
丑臘冰霜帶送迎小駐斑駁
話離緒陸郎家世舊知名

趨庭燕薊住成家忽謾抽帆浙水涯
花月吟餘船載酒湖山
好處句籠紗行看東閣寒梅色
夢繞西堂碧草芽倘過旗亭
尋畫壁檀槽新譜付吳娃

交深金石兩無猜雅詠年年續
玉臺蠟照對牀聽夜雨塵談
炙輠掃浮埃一條冰喜頭銜
換千里春隨眼界開惆悵薇廳
頻作餞朔風寒刮故人杯

手拂瑤華寫別愁離筵明月照高樓
如君定展雲中翼笑我
仍牽岸上舟久負師恩慙不舞
爲謀母養且航遊相思命駕

前期在多恐樊川鬢早秋

健修堂詩集

卷八

三

健修堂詩集卷八

健修堂詩集卷九

任邱邊浴禮袖石

春早家居卽事呈心巢兄二首

漸見兒童項領成磨驢陳迹歎勞生
孱軀未合屠龍老絕塞長思躍馬行
詭肩爲官供笑罵預愁養子學聰明
溪邊指似沙鷗說寵辱年來已不驚
故園松菊未全荒慈竹春陰覆北堂
懶逐楸枰分黑白悶緇細帙注丹黃
萍蓬蹤跡還家好粗救人情餞歲忙
試話離悰向予仲簷花如雨落吟牀

高陽道中

健修堂詩集

卷九

一

陰鞭漠漠裊芳塵舊地重經感慨新
才子生來猶有偶酒徒去後竟無人
炊煙白織荒城曉沙草青回古道
春太息相門表替久兩朝勳望亞平津

謂李文敏文勤兩相國

改之自衡水來賦贈並示蔣海東

敝裘短劔裝初卸老屋疎鐙榻再懸
話有餘歡忘問夜別無多日動經年
風塵易醒繁華夢湖海偏饒邂逅緣
試罄離悰招蔣濟玉樽同醉落花天

春夜攜酒過匏廬先生招同畢曉珊明府何菘蹊別駕

小集有作

緒風絲雨夜纏緜三五華燈射綺筵
憶遠心情雙雁底消魂

春色一尊前歌翻北里紅牙拍詞譜西江白石仙好寫新詩
記鴻爪天涯韻事有人傳

寄戚子固 貞 明府二首

樊輿話別惜怱怱水驛音書阻去鴻小邑操刀傳治譜祕書
藏篋守家風雄才我愧陳同甫醒眼君容蓋次公記得寒宵
同讀畫茶根滋味兩心同 君有敲茶根小照

屢把豬肝累故交使君風義勝綈袍酬知自愧身名賤作客
深悲歲月滔謝傳中年慕絲竹蔣生三徑困蓬蒿浮梁共醉
知何日南望甘陵結想勞

題趙彝齋畫蘭

健修堂詩集

卷九

二

靈均懷沙去不返楚蘭無色三千秋天水王孫和淚寫中有
茫茫故國愁冬青樹老風吹折此畫流傳倍馨烈移根合喚
所南翁莫種鷗波亭子側

題方從義畫山水

金門羽客方方壺畫筆近仿高尚書墨光出紙一寸厚雲氣
漫天十里餘翠嵐縹緲摩空虛絕頂列峙仙人廬羣真有約
宛相待我欲凌風騎碧驢

書陸放翁詩後

茗椀熏鑪物外身詩成字字帶悲辛草茅獨恥言和議朝右
誰知盡婦人夢裏樓船京口雪愁邊山色鏡湖春英靈今古

如相接願侍先生理釣緡

陳烈女

長郎兩歲生偕郎同歲死女年十六郎十四生未同衾死連
理皇都詆蕩天門開弱齡隨父驅車來于歸期近郎生災皎
然玉樹悲沈薤鬢而往弔衣墨纒傾波淚湧城崩頽鬢鬢黃
金彊刺腹甘如飴慘慘紅羅巾絕命題成詩貞魂縹緲躡空
去三光五嶽相扶持生爲陳氏兒死爲葛氏婦含笑向重泉
身亡名不朽夫何名名文鏐工詞賦家吳中女何名名瓊瑛
石門人居神京巾幗烈閨房英國宜式朝宜旌我作詩清風
生

健修堂詩集

卷九

三

發保陽

行役會有時飢驅不遑擇盛夏束急裝冒茲朱炎赫岐塗沉
修阻山險尤偏窄出郊縱遠目峯翠若刻劃樓臺與草樹對
面了不隔濕雲滃然來幻作一片白身已入雨中急點鳴策
策車塵喜滌盪溝水怒湍濤掀淖驚晉侯僂轅愁鄭伯勞生
屬分定隨處俱安宅履坦固所欣入窻詎云厄莫恤辱泥塗
農夫方盼澤

方順橋

有靳文襄
公神道碑

戊埃無三里村墟又一新河深波瀾灑灑橋古石粼粼柳影斜

陽媚山容暮雨斂文襄殘碣在底績念勞臣

清涼城燕昭王牧馬處

郭西城址號清涼舊是燕昭牧馬場早辦千金求死骨晚留
一劍劫生王談兵劇樂英風遠弔古荆高毅魄香猶有閑情
師穆滿花髮嘶斷白雲鄉

雞距泉

幽泉十畝寬高下互吐納分流肖雞距冷冷千百匝靜有萬
象涵清無一塵雜雨餘勢更驕珠玉怒歎欲散入竹樹陰涼
颺吹颯颯琤潺響不已琴筑妙相答何年郎山僧臨水洗禪
衲皺面愴觀河示寂遺改塔石像字已湮秧苗綠初插小立
趁殘陽莎根聞吠蛤

健修堂詩集

卷九

四

過望都

安險龍孤北陘陽馬驛東松陰堯母廟山色漢王宮曲折河
流急敦龐土俗同濁醪聊貰飲村店雨濛濛

泃河中多圓石拾百餘枚爲玩

泃河多石九纍纍萬千顆有如彈子渦蓬海峙鬼峩白含蛟
涎潤翠挹螺黛裹勻圓若朱櫻礙足極碎瑣又疑秋蓮房結
實俱下鞞千年恒沙質一變出堅瑳磷縑雨不受所厯盡坎
坳清泉瑤草間愛爾位置妥療飢煮詎應礪齒漱差可稜稜
百鍊剛超然洗塵堞安能隨浮沈中流任顛簸倘有驪龍珠
騰霄掣朱火

定州

朔氣凝沙漠巍然抱一城寒雲飛不去溝水咽無聲雪浪詩
難和松醪賦未成淒涼懷古意辛苦事長征

正定道中

未能晞髮向陽阿一別鄉關感喟多伏櫪驂騑思遠道
糴杖烏鵲怯高柯鶯花過眼丁年夢綵竹傷心子夜歌
明發停驂重問渡亂山殘雨下滹沱

正定城晚望

雉堞鬱崔嵬登臨首重迴河流挂天起山色壓城來
險阻清時失風塵過客猜渾園秋草綠場盡舊樓臺

健修堂詩集

卷九

五

太行

西來青不斷知是太行腰勢偏天光縮根蟠地脈遙襟喉三
輔壯風雨百靈朝坐看盤雕起穿雲上沅瀟

道中雜感

豈是楊朱泣路歧關河莽蕩動深悲疎鐘涼雨還鄉夢野碧
荒陵弔古詩捫蝨談思王景畧汗人塵避庾元規雜蟲得失
何時了落落乾坤歎鳳飢

樂城贈高寄泉

燕市閒唳月龍岡冷抱雲遠書煩念我別路再逢君
遯跡瓢難棄謀生硯欲焚相看成一笑同是負山蟲

趙州

落日銜浚水青山拱趙州鄉心千里折客路一身浮鈴語殘
僧塔炊煙古驛樓石橋來往熟仙跡渺難求

柏林寺壁畫水傳爲吳道子作賦詩咏之

昔聞吳道子畫佛最擅場興酣走筆一揮掃風落電轉成圓
光何年古沃州妙蹟傳汪洋入門客意凜然肅屋壁漏出淮
河江非泉非澗非瀑布砉然足練橫天長飛花濺沫勢雄放
崩濤捲雪聲雷碾東流浩淼望不極乾坤一芥浮中央雲堂
躡足欲上還躑躅但覺天風蕭颯侵肌涼吳生本畫聖能事
超尋常想其下手時萬象森在旁豈惟蔑孫鄧突過曹與張
健修堂詩集

卷九

六

零縑碎楮久灰滅遺墨留此雪色牆得非厯劫鬼神護元氣
不死千餘霜階前穹碑字剝蝕無暇更剔莓苔蒼歌成題壁
誌歲月要與坡老普門之句爭低昂

柏鄉謁魏文毅公墓

威鳳儀明廷凡鳥不敢近碩輔立巖廊人才爲一振峩峩文
毅公相度凜千仞時當開國初瓌璋賴登進屏斥必奇袞薦
拔首英雋屢屢杞梓材競向虞羅奮餘事及斯文策勳崇古
訓宏辭剗妖浮勁氣恥柔韞畿南諸老中如公見亦僅晚季
賢路淆鈞衡虛坐鎮突梯獲同升剛方遭異擯澆風痛難挽
庶務愴多僨緘生骨嶽寄淹蹇固其分所嗟生苦晚帚未龍

門堊元堂再經過蔓草走秋燐仰止兼濟懷蒼茫念遺蓋

遊圓津菴

觀空本無心探幽偶乘興聊駐薄笨車試訪招提境瑤林森
翳蒼琳宇交掩映經龕絡金繩梵塔闕珠磴旛裊雲廊虛花
落石壇靜苔色涼客衣茶煙淡僧定頻年疲津梁隨處慕宗
鏡未能三昧通但祝六塵淨遐蹤懷往哲慧眼想高行小憩
襟抱清松風飄午磬

內邱

雨洗晴峯積翠浮征車曉過古中邱官橋欹仄遙通馬驛樹
蒙茸大蔽牛射虎南山空想像騎鯨東海歎淹留滋蘭樹蕙
健修堂詩集

卷九

七

歸來好莫更逢人託蹇修

國士橋

報仇非所貴所難在殺身愍哉豫國士一死垂千春無恤擅
權久國祚終瓜分陰鷲雖足多要是晉賊臣抽刀斬衣袂奸
魄逃無門豈惟謝知已畧使國憤伸心同龍比孤事比荆聶
純寥寥刺客傳冠首推斯人我來值炎夏雨過波流渾斷碑
仆道旁橋柱摧爲薪英風杳難覩懷古空悲辛

沙河

小邑無城郭停車古驛旁潦痕連野白沙礫徧山黃蟬噪知
秋近人稀識歲荒斷橋盤馬過風送藕花香

寄保陽友人

簪盍難期袂易分此身到處似孤雲謀生自悔爲儒誤力學
徒勞炳燭勤久恥虛名溷苻拔未馴野性笑麋麇頻年勝引
嗟拋擲紅燭烏絲酒半醺

邢臺道中得姚石渠勞介甫書歌以奉寄

邢州城外塵撲面暑風吹衣客流汗飲馬自就清泉井蓐食
欣逢綠楊店太行西望翠嶺絕時有歸雲度溪澗嗟予落拓
復何爲飄泊渾如社前燕飢驅到處乞升斗塗抹隨人事筆
硯食其共詫是狂生去華自笑元風漢涸轍疇憐吟沫遊浮
蹤屢作搏沙散平千舊友結契真千里貽書情繾綣擬紆勝
健修堂詩集卷九

八

雨過龍岡驛

引賞芳菲豫召粗才陪俊彥湖陂浩淼三百頃六月朱霞映
天半鷺雉鷗侶宛相待巨榼長瓶知已辦肯因興盡輒迴舟
政要朋來齊染翰百年鼎鼎付彈指萬事茫茫同夢幻當筵
更揖白石翁鬧紅詞門新妝袷

贈張子真履丈

頻年求友生結交風塵裏然諾誓弗欺天涯訪知已得逢張
長公論交不予鄙嗜古抉九能默識治亂理鬢眉白皓然儼

若漢園綺吟贈逍遙篇健埒東川李自云江海遊卅載南星
紀挾策干諸侯獨抱彈鋏恥束髮過圯橋曾進黃石履擊筑
和荆軻痛飲向燕市弭棹湘水湄弔屈採蘭芷晚餽辭下居
姦人聽驅使太息孟嘗門蕭條長荆杞千金揮手盡空囊竟
如洗隨身餘短劍利可剗虎兇丈夫貴有爲詎屑老鄉里未
報平生恩難令寸心死慘澹衣化緇癡肥肉生髀枳棘栖鸞
凰鹽車服駮駟填膺如虹氣上燭斗牛紫英雄世豈無蕪沒
巖穴底何怪阮嗣宗登高啜豎子明當西下峽一造武侯壘
風雲八陣圖縱橫見奇詭係頸縛單于煙塵埽邊鄙安能騎
土牛鬱鬱久居此驚喜聆君言感激投袂起嗟予未聞道樗
健修堂詩集

卷九

九

散臥泥滓秋霜愴宵零搖落笑桃李君抱歲寒姿精神何蔚
跂蒼生待宏濟赤手轉屯否出處兩豁然無慙天下士願堅
滄洲期共跨琴高鯉長江秋氣深雲帆倏西指醞酒送君行
勞歌那能已摩空黃鶴飛一舉去千里

禹之鼎畫成青壇相國洗竹圖匏廬先生索題五首

橫圖洗竹何人寫此事禹鴻臚擅場二百年來黃閣老卷中
留得萬篔簹

燕都地瘠土膏寒種竹真如種玉難冷宦京華最堪笑百錢
一個買琅玕

龍戰元黃甫廓清便歸綠野築池亭蒼巖梁與高陽李一樣

流傳舊典型

茅屋欹斜薜徑幽成園故址我曾遊此君直節無尋處付與
涼蛩絮晚秋

世家墨妙未沈薶轉入洺州愛古齋卻羨東陽賢太守蝸涎
蛛網手親措

清暉書院卽事

渺渺荷塘白鷺飛水亭小憩對斜暉樓臺未換華年逝風雨
同聽舊侶稀萬事驚心馳過隙此身何日脫塵鞿桐堦露氣
清於水一夕新涼入葛衣

衙齋

健修堂詩集

卷九

午睡纔醒起欠伸衙齋卻埽淨無塵神廬山翠推窗看一角
麻皮雨點皴

匏廬先生以書見招六月十九日重至廣平下榻郡齋

卽事有作示張子真丈姚石渠勞介甫六首

浴上題襟地重來閱五年洗衣無阜茨解榻有紅蓮鴻寶闕
新製龍龕理舊編祇慙漂泊久詩鬢漸蹶蹉

老守歐蘇亞留賓禮數優元談鐙半地清讌酒三駸帖祖招
同賞經郭許借讐知公胸次好俯仰有千秋

幕府羣賢集吾欽博物名雄文唐北海朴學漢西京萍迹同
流轉杉廳喜合并莫辭真率會消遣客中情

近郭饒名勝幽亭敞四圍采香仙舸汎驚豔水禽飛商畧攜
尊往酣嬉側帽歸倚聲推白石先唱惜紅衣
悟徹升沈理浮蹤亦自佳滴愁深夜雨引夢故園花古壁蟲
聲碎虛牕燭影斜平安書達否不寐憶京華

身世鴻泥外生涯馬磨中盛年徒自惜豪氣爲誰雄俗尙噴
元伯狂今謝次公清唵聊寄託泚筆那能工

劉青田先生銅印歌

有序

印直紐陽文小篆伯温二字案宋邵康節子名伯温
元周伯琦字曰伯温明毛襄懋亦名伯温宋元時代
較遠私印傳者頗希茲印銅質純古不似明正嘉中

健修堂詩集

卷九

七

物決爲青田無疑也勞介甫舊藏出示作歌

臨濠真人飛赤龍佐命首數犁眉公卽論文采亦巨擘奚況
偉畧羅心胸生平纂著多傳會祇有遺集光熊熊何年撥蠟
製私印紐式鑄就赤莖銅得非草檄伴石抹用向温處行營
中不然金陵翊機務帷幄密押芝泥紅淡洋事起還赴闕天
乎不愁遭奸兇祥鸞慘罹鳩烏毒遽跨箕尾歸鴻濛煩寃具
載恩遇錄到今讀者猶悲恫矧茲小印公所佩銀鈎鐵畫祛
穢穠流傳莫認周邵物鐫刻妙與冰斯同塵沙剝蝕五百載
依舊文磔騰飛虹龍劔已贈孫伯融鳳池恥效汪朝宗勸君
什襲錦囊底預防攫取來豐霑

愛古軒觀蕭尺木山水畫

喬峯聳雲根絕澗瞰林薄天挂虹梁危地逼蛇徑惡瑇斑繡
崇墉龍背架飛閣浮嵐滃空蒼積翠鬱參錯崢嶸神鞭驅荒
怪鬼斧鑿瀑流吹作煙松梢辦成索一氣開窅冥千層苞渾
噩支筇有二叟鬢鬢類猱獾意行訪幽遐離立俯岷嶂想尋
商顏芝或採伯休藥明經本畸人逸躅煙霞託弔屈繪九歌
懷李圖五嶽何年奮老筆寫此淋漓作元精入瀏覽高致緬
邱壑石隱良可欣奈茲塵網縛披圖意流連浩歌激寥廓

題謝皋羽聆髮集

北風亂中國塞馬嘶九州蝦蟇更斷宋命訖忠良縲綬成纍
健修堂詩集

卷九

三

囚君看謝皋羽乃是徐衍申徒流拄天撐地義士骨恥噉羶
酪蒙旃裘參軍逃歸隱江海擊楫嚴灘鳴欸乃天荒地老日
月昏知已生平竟安在遠師漢賈誼近慕唐唐衢一哭星辰
化成石再哭城郭廢爲墟雲根摧殘竹枝折魚龍灑滯張牙
鬚子陵魂歸坐臺上草笠羊裘兀相向話到茫茫桑海愁雨
怪風盲助惆悵旣未從張陸葬蛟窟又未從唐林種冬青攀
髯恨不逐軒后化碧空想隨萋宏大星沈沈墜柴市側身北
望雙涕零朱囁不歸將焉食百頃西湖長荆棘空餘晞髮一
編詩嘔出心肝定何益千年羈魄化爲煙去去遠訪王梅邊
饑來薇蕨如堪採化作西山鶴與猿

郡城荷花盛開匏廬先生招往同賞卽席作歌

洛河碧浪流湯湯下遊、迴合溢與漳灌輸城壕十里強東西
兩堤駕虹梁滙爲深潭明鏡光芙蓉萬柄爭含芳鬱森羽蓋
搖清涼靈如盛鬢懸明璫乘雲倒曳飛霞裳捧輿侍女皆紅
妝翩然來遊紫翠房素鸞青鳥參翱翔玉纖剔破真珠囊百
壺瓊唾紛飄颺漫空吹作兜羅香神光縹緲不可詳壓倒江
南雲水鄉吳興老守今歐陽留賓追暑華筵張詩成金石聲
鏗鏘字字出紙增軒昂甌生頻年客殊方行吟澤畔徒彷徨
歲華倏忽如風狂騷愁兀冪盈枯腸逢花不飲情何恇徑須
一酌三千觴碧筍滿簫頗黎漿左招豐露右雲將纏蘭擘蕙

健修堂詩集

卷九

三

高韻頽御風暘谷觀搏桑浩歌一曲凌入荒花前獨立心蒼
茫

風懷七首

六出瓊疏結構新樓居端合住仙人輕盈北里玉昌婦綽約
東家宋玉鄰小院烏龍低吠月重簾紫胤暗窺春銅鋪屈郢
多通透虛說年年鎖阿甄
叔鸞仙裔本吳趨白石清溪有舊廬初日閉階紅芍藥春風
香徑綠藤蕪蕪連環印就羞人看闌掃妝成索婢扶誰買明珠
爲持贈綵絲繫在絳羅襦

犀株那解鎮心松一擲金梭意轉慵解珮靈斐還洛浦鼓琴

卓女住臨卭，芭蘭虛說重。三採張角偏於五六逢，咫尺銀屏
迷處所。楚雲擱雨隔巫峯。

半曳綃衣澹似煙，含愁悄立晚風前。鳳槽懶拭相思木，鴛譜
閒拋竝蒂蓮。花底斑駁嘶隱約，夢中青鳥去翩跹。汝南地阻
盈盈水，錯過劉家碧玉年。

越溪一舸返夷光，欲採芙蓉路阻長。點頰恩恩忘玉髓，同心
叩叩解香囊。青天碧海情難割，怨雨愁風病待禳。留得檀痕
在，妝閣鈿蟬金雁不成行。

彩虹十丈挂星橋，銀漢紅墻望轉遙。蓮浦舊歌張靜婉，柘枝
新曲董嬌嬈。秋河暮雨聞虬漏，甲帳濃香煖鳳簫。目斷蓬萊

健修堂詩集

卷九

古

山近遠東溟，怨水不通潮。

帳飲河橋願竟違，經春蘭訊遞來稀。苔生剗鞮凌波印，塵滿
流黃織錦機。禪榻鬢絲傷杜牧，畫屏風貌憶崔徽。芳年易逝
歡期渺，腸斷燕雲一雁飛。

北歸口號二首

南飛纔戢翼，西笑重勞生。別酒千觴盡，歸裝一劍輕。飄搖成
遠客，羈絆爲浮名。羸馬催人去，蕭蕭倚戶鳴。
身世疇堪託，風雲未可知。問天增悵惘，行道惜倭遲。河漢秋
期近，關山曉露滋。渭城歌再唱，青兕有妍詞。

臨洛關

突兀畿南第一關蒼然城堞夕陽間參天不死空心樹入畫
如生沒骨山河水帶沙流曲折岡形削鐵露精頑棄繻在掩
終軍志五載風塵再往還

邢臺劉秉忠墓

沙漠真人運斧乘豈知佐命仗神僧全收四塞河山壯力輔
中原禮樂興後起功名姚道衍前身靈異佛圖澄平砂玉尺
經誰記古芻蒼涼挂翠藤

清風店題壁用前韻

荒墩古戍路間關鎮日車塵浩蕩間水調歌聲憎下里旗亭
酒味想中山依人迹久如蓬轉閱世心真似石頑差喜輕裝
健修堂詩集

卷九

五

攜磊砢奚囊无恙載詩還

贈陳協堂

紹虞

上舍二首

歧路論交意便傾十年前已各知名傳家兩字唯忠孝閱事
多端見老成象緯獨闢甘氏秘兵烽酸話伏波營一鐙炯炯
愁無寐坐到旗亭夜二更

東南民力近如何時事關心感憤多萬里島夷徵歲幣三年
瓠子唱勞歌廟廊事事須康濟風尚人人學媵姍擬約君歸
賦招隱桂叢香徧舊嚴阿

安肅道中再用前韻

未省何年得閉關巾箱滿帽道塗間涼生旅館三更雨夢繞

鄉園一枕山詩思澀來殊恹悼名心消盡慕癡頑醫貧有術
箋天乞不用神丹鍊九還

過容城

薄醉登車去秋花滿路紅野橋奔浪急老樹古原空
蓼穗搖栖鷺莎根絮斷蛩三賢遺像在展拜惜怱怱

到家卸裝次日赴都卽事二首

墨突未得黔萊衣不遑舞急裝束琴劍又復踏塵土萍迹倏
離合蘧腸雜甘苦慈親喜兒歸深宵話覩縷怪兒顏色悴旅
食戒莽鹵念兒衣衾敝呼婦爲縫補兒兄在都門三書來訊
汝遇合安可期青雲力須努慈親語未終曉色上堂廡家人

健修堂詩集

卷九

六

漸環集僕馬已延佇深衷匪言罄亂之以他語秋風動寥廓
翹首黃鵠舉

驛路屢經雨前行但塗泥驅車甫及舍日落平林西村店況
偈仄人雜鷺鳴栖露坐過三更仰見星芒低僕夫睡正甘馬
齧空槽嘶籠鐙欲有作筆硯苦未齋頻年困羈旅此境誠酸
悽焉能遂決絕鄉居把鉏犁親心未一慰跋涉安敢辭馱鈴
聲耶當催我行勿遲桑乾明朝渡履險當如夷

抵京病足不良於行有作二首

平步天關念久湮炎風伏雨送蹄輪中年未可稱聾叟末疾
居然困蹇人鞞屏深雍惟赤腳林安曲蓋且容身讓他袞袞

趨炎客鎮日東華踏軟塵

炎歎淨埽嫩涼生烏几繡書眼暫明倒屣迎賓還蹶躄下階
行藥畏歎傾趨趨恥作人前態疾走難爭世上名且自垂簾
拋俗慮棗花香送晚風輕

食蟹

都門魚蝦貴于玉日日食單刪水族秋風八月稻花香喜有
霜螯賤堪饜登盤磊砢數十輩四坐饒奴競探逐輒逾脫骨
九節鰻肥塢附石七孔鰓詎同盧純憂筴舌謾學楊雄詫多
足狂吞先取匡穹窿細剔難饒跪拳曲中邊但顧吸酥黃右
手都忘斟酒綠頻年乞食困塵坱到處侯鯖餐爛熟故鄉釣
健修堂詩集

卷九

七

遊願未遂祇覺江湖味芬馥人世難惟一飽奚況鮮腴隄
吾腹橫行敢並馬卿才委頓應殊蔡謨俗天橋酒樓缸面澀
明日呼朋訪黃菊薑調醬滌配羹湯學買河豚典襦袴
讀十國春秋書後二首

到處降王走傳車南唐北漢盡成墟一身再享湖山福只有
錢家不喫虛

麗色齊陪命婦班柔儀小妹更悲酸他年烽火青城夜多少
蛾眉淚不乾

贈朱伯韓琦侍御二首

卻掃京塵遠市闌崇朝訪我駐高軒論詩輦下少同調憂國

篋中存直言文字因緣悟針芥疎慵心性戀邱樊知君簪筆
螭坳上肯與時流校寂喧

藏園老叟騎鯨去海內詩人孰與儔要挽元音歸大雅惜無
砥柱在中流心聲首貴茲浮薄耳學還須定繆悠願佐騷壇
傳盛事祇慙池鳳狎汀鷗

新樂

寒烟遙挂伏羲臺鴉噪空城曉未開一派驚沙流不斷木刀
溝水自西來

過樂城再晤高寄泉留贈二首

秋塵手撲卸征鞍重喜摳衣謁講壇悟後心情都近道窮來

健修堂詩集

卷九

七

行路始知難新書簿錄搜劉向舊友存亡問呂安大似晚香
堂後坐小窗鐙火話杯盤

海內交遊首念君風淫末疾屬傳聞榮枯久識生前定得失
何勞眼底分歸夢冷懸渠水月宦情閒戀太行雲匡時有志
今寥落且策詞場翰墨勲

寄泉次子出拜詩筆斐然成章喜而有作

舉舉名家子荷衣入座來從予問詩法羨爾負清才白雪新
吟好青箱舊業恢眼中多俗物慎勿受噴猥

宿圓津庵

倦旅愁中夜殘鐙宿上方松風撼孤枕蘿月照虛廊湖海遊

難已山林道豈忘清吟渾不寐檐鐸語郎當

渡滹沱河作

大漠簸寒吹空林飛曉霜迢迢滹沱水應候成輿梁揚鞭徑
飛渡快比一葦杭橋心看落日歎欲驚沙黃冰稜萬銀屋橫
亘同巒岡遙山忽掉尾歛若神龍翔鉤連作奇偉一氣騰青
蒼解鞍就野飯小憩蘆屋旁離思紛成積客塗殊未央勞歌
續河朔振袂聊徜徉

爲客

爲客無長策劬書對短檠未能沾薄祿深悔負狂名病葉風
催墮新寒雨作成秋聲滿天地河漢已西傾

健修堂詩集

卷九

九

曉行

木落寒山出沙乾野徑微秋星懸馬首濕霧滴人衣漂泊憐
鷗泛迢遙送雁飛故山薇可採計日荷鋤歸

過邯鄲

落日村墟外秋城睥睨前敗荷涼睡鳴高柳晚鳴蟬遠志空
千里浮蹤又一年邯鄲前路是無夢亦欣然

臨城道中作

空村夕照陰寒蓬朔風捲野徑旣逶迤溪沙屢迴轉孤城夕
將閉行子猶未飯耳厭羸馬嘶目送羈鴻遠冰霜迫遲暮徒
旅共悽惋容鬢逐漸衰巾禱日加緩信宿記郵亭悲涼聽笳

管登樓賦徒工窮塗客誰欵感事鬱冲襟馳情慕雲嶺故鄉
千里餘何時遂旋返

循內邱城南三十里道左右纍纍皆古冢也惜無碑誌
可稽車中作歌詠之

深陂爲陵岸爲谷世事阨危車轉轂麻姑歸自海東頭說著
滄桑也眉蹙峩尙荒蕪中邱城道左元堂高比屋璫跌盪窵
蹟茫昧羸駮驕獬體摧剝鬱翳枯柏森阜蓋溼墊莎萑挺金
鏃得非疑翁列漳濱或是陣圖布魚復此間從古稱戰原碧
血餘腥猶滲漉發邱中郎偶未到千載無人啟其覆秋星曉
共鬼磷鬥瘦月宵聞怪禽哭精靈來去倏如煙閱盡人間幾

健修堂詩集

卷九

三

寒燠經過代想陳人樂轉爲塵勞悲局促脫然委化事容易
地柳天棺誰管束所悲得喪汨心靈狂走倂倂暗無燭昇天
成佛定何日歲月難迴似奔鹿何當高舉脫羣豕自跨青天
兩黃鵠



